

**Vom Obirfalle.**

Dis ist von dem obirfalle vnnnd beswerunge dy vns her h a n s von B e b i r s t e i n vnser herre getan hot, den nehstin mitwoch vor laurentii. Sunderlichin do vor dez dunnerstage nehst nach dunstoz apostolorum alz man schrep nach cristi gebort firzenhundert Jar darnach yn dem funf vnd czwenzichsten Jare hotte vnser vor benuythir herre by sich vff dem slosse zcu Beskow h e n r i c h l u c k o w e n zcu stremmyn gesessin heydenreich von czerte- w i k , zcu C o s s i n b l o t gesessin vnnnd B o t e g r o s e n zcu E r u g e r s d o r f f gesessin vnnnd sante nach vns Rat- mannen. Do wir zcu em qwamen do gab her den selbin vor benuytin mannen vnd vns sache vor kegin Er M a t t i s v o n v c h t e n h a y n fient zcu werden vil rede dy czwischin vnſin herren den mannen vnd vns do gehandelt vnnnd obir-raten worden vnnnd wir doch an der selbin zeit yn keginwortikeit derselbin vorbenuytin mannen zcu ym spra- chin liebir herre wir vornemen yn eklichin fligendin wortin dy dy lute widder enander handeln wy der M a r g r a b e v o n B r a n d e n b o r g disse stad meynet zcu gewynnen d e m e v o n S t e t t i n zcu schaden vnnnd euch zcu gute vnnnd dazselbe doch deme von Stettin vnnnd euch alz schyre schadin muchte brengin alz fromen vnnnd muchte vns armen lwten zoteynen schadin brengin an vnſin Ern vnd guten geruchte daz is vns vnnnd vnſin kindern vnvorwintlich wer Bitte wir euwir gnade liebir herre ab ir do von icht wistit addir icht wordet infaren daz ir vns daz weldet offinbarn daz wir arme lwte vns dorynne alzo muchtin schickin zcu halden daz wir an vnſin Ern vnnnd gelymphin vnnnd an vnſin guten geruchte nicht gesrockt vnnnd gekrenket wordin. Sprach henrich luckowen alzcu hand swiget vnnnd gedenket daz nicht wen daz ist nicht vor wert vnnnd is ist mir ges- raden widdir den syn daz daz vnmer geschen solde vnnnd vnser herre von Bebirstein dunne ouch sprach, liebin ffrunde habit nicht leide wen is ist nicht vorwert (wen) wen ich